



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 33. Ragotsii rebellio in Hungaria.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

vigesima ejusdem Mensis per Hollan- Sæc. XVII.
 diam & Angliam, quorum classibus A.C. 1703.
 deferendus esset, in Lusitaniam præ-
 misit, ipso Rege Petro II. Cæsareas
 partes jamjam amplexato. Appulerat
 bonis avibus Carolus Ulyssipone die
 nona Martii anno sequenti, quo Lusi-
 tani cæso Ronguillo Castilliam usque
 progressi fufis quinquies mille Gallo-
 Hispanis quinque urbes interceperunt,
 & Anglo-Batava classis, quæ Archi-
 thalasso de Roock, Carolum deporta-
 verat, Gribaltaram arcem natura &
 arte munitissimam quarta obsidionis die
 quarta Augusti expugnavit.

§. XXXIII.

Ragotsii rebellio in Hungaria.

Leopoldi Cæsaris rebus oppido in- Theatr. Eu-
 festa erat Hungarorum rebellio, rop. t. 16.
 quæ hoc anno in apertas flammæ e- pag. 166.
 rumpens, ab Austriæ finibus per Hun- Wagner
 gariam ad Valachiæ & Moldaviæ limi- Hist. Leo-
 tes perniciem, excidiumque propaga- pold. l. 18.
 vit: Illius Auctores erant Albertus
 Kisius, Etsius, Pappus, Bigeus plu-
 resque alii perditæ vitæ homines, qui
 vitam universam in sceleribus, animum
 in latrociniis & sanguine, mortemque
 in gehenna degentes, in denso quodam
 saltu primum concitandæ rebellionis

Sæc. XVII. consilium cepere: Peropportunam Re-
 A. C. 1703. gnum turbandi facultatem maleferiatis
 suppeditabat, Cæsarearum legionum
 ex Hungaria in Italiam Bavariamque
 deductio: nec anxie inquisitionis erat,
 conjurationis Principem seligere: Ra-
 gotsius enim e captivitate in Poloniam
 profugus seditionis telam, quam nuper
 adorsus erat, unacum Berczenio Co-
 mite retexere intentus, Pappum &
 Bigeum in Poloniam missos veluti Le-
 gatos summo jubilo excepit, proxime
 in Hungariam subsequatur. Interim
 Galli per Poloniam trecentos partim
 Tribunos, partim pyrobolarios atque
 Architectos militares Ragotio submi-
 sere, rebelles pariter prope Mongatfi-
 num & Cassovium magno numero con-
 fluxere, Gallicoque auro & vi quam-
 plurimos ad sua signa pertraxere, Ra-
 gotio propediem venturo obviam ituri:
 Verum Karolyus Comes ex fidis Comi-
 tatibus milites conscribit, ac seditiosos
 inopinato adorsus, centum septuaginta
 interficit, captisque tribus vexillis ce-
 teros in sylvam dispellit. Exeunte
 Mense Junio Ragotius e Polonia in
 Hungariam delatus, mox cum duobus
 millibus ad Mongatfinum agrum gra-
 fari cæpit, a Montecuculo tamen pene
 captus cum suis ad Sylvam retrocedere
 compulsus est: Nihilominus aucto re-
 bellium

bellium numero die prima Augusti Cal- Sæc. XVII.
 viam, Somliam, Relliniam, aliasque ur- A. C. 1703.
 bes & arces deditioe cepit: felixque hic
 armorum successus universam pene
 Hungariam Superiorem in perditionem
 nefandam pertraxit; cujus exempli
 labe etiam Transylvani ad defectionem
 incitati fuere. Ad calamitatis cumu-
 lum accesserat, quod etiam Karolius,
 Csackius & Beckerius Comites antea
 fidelissimi ad rebellium signa transfrent,
 & Berczenius inferiorem quoque Hun-
 gariam in rebellionis societatem per-
 traxisset, ac Leutsoviam, montanas-
 que urbes sibi subjecisset. Obstiterat
 quidem Schlickius Comes Passavio e-
 vocatus, ceperat quoque Levam urbem
 cum ingenti præda, armorumque ap-
 paratu: ast ad Veterosolum male mul-
 ctatus, Berczenio Austriæ ac Moraviæ
 limites fæde depopulandos relinquere
 coactus est. Atrocius autem rebellio
 in Hungaria cis Danubiana desæviit,
 perduelles enim glaciati Danubii bene-
 ficio ad ipsa etiam Viennæ suburbia
 grassabantur, pluribusque urbibus ca-
 ptis, incensisque stragem terroremque
 late circumferebant: Rapidissimum re-
 bellionis cursum stiterat Heisterus jam
 multis antea victoriis clarus, qui Ka-
 rolyo ad Albam regalem cæso seditio-
 sos a Moraviæ, Austriæque limitibus
 depu-

Sæc. XVII. depulit, domitisque Cis - Danubianis
A. C. 1703. rebelles ad Jaurinum ingenti clade pro-
 trivit: Tandem de ineunda pace agitur,
 proponuntur utrinque conditiones, ast
 præter quindecim dierum inducias im-
 petratum nihil: rursus igitur in intima
 patriæ viscera grassari cæptum: Præ-
 primis vero Heislerus perduellibus ad
 Tyrnaviam magna clade affectis citi-
 mam Hungariam denuo ad officium
 redegit, exarmatisque Cis - Danubia-
 nis perduellium conatus haud parum
 fregit. In Transylvania vero rebelles
 ex ipsis suis cladibus renasci videban-
 tur, quos tamen Rabutinius prope
 Claudiopolin fudit, fugavitque, ur-
 bemque mænium parte nudavit. Post-
 quam vero Ragotius cum exercitu
 quinquaginta ferme millium rursus in
 Transylvaniam penetraverat, captis
 pluribus urbibus, earumque præsidia-
 riis contra datam fidem trucidatis, in
 Sclavoniam irrupit, ubique inhumanæ
 crudelitatis vestigia relinquens. Te-
 nuit hoc bellum seu potius miserrimi
 Regni Hungarici devastatio integrum
 omnino septennium, non sine maximo
 Religionis, Domusque Austriacæ de-
 trimento.